

Digitized by the Internet Archive in 2010 with funding from Boston Public Library

## DECLARATION

DES BONS FRANÇOIS.

A LA REYNE.

Sur la lettre de Monsieur le Prince.

M. DC. XV.

ACC. 84-546(48) K ... e 1.7

## HEROTORIES NUMBEROLES

## DECLARATION

## DES BONS

FRANC, OIS.

A LA REYNE.

Sur la lettre de Monsieur le Prince,

MADAME,

Si quelqu'vn d'entre nous auoit douté insqu'à cette heure de la bien-vueillancedu peuple enuers vostre Maiesté, les vœux & les prieres que la tristesse publique mit ces iours passez en la bouche de tous les gens de bien sur le bruict de vostre derniere indisposition, luy en ont peu tellement faire cognoistre la verité qu'il n'en peut attendre ny desirer desormais vnplus certain & plo suffisat tesmoignage. Car n'y ayant personne qui ne sçache qu'en vostre salut tourne celuy de tout ce grand Estat, durant le bas aage du Roy, l'amour qu'vn chacun porte a sa patrie a esté la mesure du soing qu'il a eu de vostre santé. Laquelle puis qu'il a pleu à Dieu de rendre aussi promptement qu'heureusement à nos souhaits, nous auons sijanais nous l'eusmes, vn tres-grand subject

Aij

premierement de le remercier de la faueur singuliere qu'il vient de faire à la France en vostre personne, & puis de le prier, comme nous sai-sons de toute nostre affection, que vous conseruant loguemet par sa grace à ceux que vous auez conseruez sagement par vostre coduicte, il fortifie toufiours de son assistance particuliere, la iustice de vos sainctes & louables intétios contre la violence de ceux qui soubs vn faux pretexte du bien publiciettent dans les ruynes de leur paysle sondement de leur aduantage & prossict particulier. Le nobre desquels estant meshuy beaucoup plus grand qu'il ne seroit à souhaiter pour les bons François semble dessa menacer la concorde & tranquillité publique de quelque emotion intestine. Car n'y ayant rien qui se prouigne plus aisément dans les esprits du peuple que la calomnie couuerte d'vn nom specieux & plausible, l'artifice auec lequel ils ont depuis quelque temps descriéle gouver-nement de l'Estat à tellement alteré l'obeyssance publique, que la rebellion qui estoit autresfois vn crime est deuenue maintenant parmy nous vne marque de zele, & de courage. C'est le malheur deplorable de ce temps. Auquel assin que la posteriténe nous puisse quelque iour accuser d'auoir en quelque façon participé, nous auons estimé, MADAME, estre de nostre debuoir de faire entendre à vostre majesté, & par elle au Roy soubs l'authorité duquel vous continuez à sa priere le manimet des affaires publiques, que tant s'en faut que nous adherions en aucune maniere à leurs

mauuais & pernicieux desseins, qu'au contraire nous les detestons, nous les abhorrons autant que nous aymons, que nous cherissons la

paix & seureté de l'Estat.

Des confusions & desordres duquel quand nous les oyons se plaindre, nous ne pouuons voirement que nous n'en souspirions auec eux & que nous n'en souhaitions vne reformation conuenable; mais quand nous voyons qu'ils tournent la liberté des plainctes en vne licence de calomnies, qu'ils enueniment les playes publiques de la virulence de leurs discours corrosifs, & qu'ils blessent couvertement l'authorité souveraine du maistre en la personne de ses ministres, nous leur declarons, nous leur denonçons, nous leur protestons que les tenants pour perturbateurs du repos public nous ne voulons point debuoir à leur furieuse & criminelle infolence le bien que veritablement nous desirons pour le moins autant qu'eux, mais tout autrement qu'eux. Car nous sçauos, MADAME, qu'apres nos remonstrances & supplications tres-humbles, lesquelles on ne nous a iamais refusé d'écouter, il ne nous resteplus maintenant que la patience d'attendre ce qu'il plaira à vos Maiestez de respondre aux cayers des trois ordres assemblez pour remedier à nos maux, sans abuser de la liberté qu'on nous a donnee contre ceux qui la nous ont donnee, ainsi que font ceux qui adioustants les menacesaux plainctes appellent par vne voye extraordingire de tout ce qui ne se fait comme ils veulent a la poincte de leurs espees, & crient

A, iii

pour tous griefs que les Deputez aux Estats ont esté corrompus. Mais nous leur demanderions volontiers, s'il leur plaisoit de nous répondre, par qui. Par le Roy De quil'innocence encore toute blanche est entierementincapable de tout dol & de tout artifice. Par vous, MADAME? à qui ceux-là mesmes qui se donnent la licence de calomnier tout ce qui ne leur agree pas n'imputent autre chose qu'v-ne trop grande douceur & bonté. Par les Ministresde l'Estar? Qui appellez nourris & dressez aux affaires par le feu Roy d'heureuse memoire ont tellement maintenu par leur prudence la paix qu'il nous auoit acquise par sa valeur, qu'onne peut blasmer leurs deportements sas condamner celuy duquel ils n'ont faict que suiure & retracerles exemples. C'est pourquoy nous auons esté grandement estonnez que la malice artificieuse de certaines gens ayt eu tant de pouuoir sur Monsieur le Prince que de luy donner ceste faulse impression, ainsi que nous auons veu par sa derniere lettre : qui ayant esté diversement receuë selon la diversité des passions qu'elle a rencontrees dans le peuple nous à semblé meriter ceste particuliere Declaration de nostre part, assin que vostre Maiesté sçache que la France n'est pas encore du tout si mal-heureuse, qu'elle n'ayt en cette vniuerselle deprauation des mœurs, des reiettons de ces bons François, qui au milien des tempestes dont elle a autresfois esté batue ont conserué sidelementaleurs Princes leur obeyssance inujolable. Ainsi que nous sommes tous resolus

de faire, au peril de nos biens & de nos vies: lesquelles nous estimons ne pouvoir plus heureulement employer que pour la manutention & defense de l'authorité Souveraine contre qui que ce soit. Et qu'on ne nous oppose point icyl'authorité du premier Prince du Sang, qui estant grande & venerable à la verité comme elle est, ne doibt pas neantmoins auoir plus de poids & de force sur nous que la prudence & la raison. Car de dire qu'il ne feroit pas les demandes qu'il faict si elles n'estoient iustes & necessaires, c'est vuider trop legerement vne cause qui importe à tant de millions d'hommes parle preiugé d'vn seul home. Lequel nous recognoissons tous veritablement estre entre plusieurs autres excellentes parties doué de tat de moderation & de douceur qu'il ne voudroit pour rien du monde auoir rien entrepris à son escient contre l'equité, mais nous estimons qu'il se peut tromper, principalement en vn aage qui encore ployable se laisse bien souuent emporteraux mauuais conseils qu'on luy donne. Ainsifut autressois le ieune Duc de Berry sousseué contre Louys vnzielme son frere, par les Autheurs de la guerre du bien public. Nous sçauons qu'il a des personnes autour de luy qui luy inspirants des mouuemens tout à faict contraires à son humeur ne tachent qu'à faire de Son authorité vn instrument de leurs malheureux desseins. Ils ont recognuen ce naturel bening & paisible, vne inclination aubien & à l'ordre, c'est par la qu'ils le surpriret il y a quel-que temps, luy representans à trauers leurs

passions les desordres publics, beaucoup plus grands qu'ils ne sont & luy donnants à entendre que s'il n'en arrestoit promptement le cours par la ruine de ceux qu'ils luy en figuroiet les autheurs, tout estoit perdu sans resource. Qui n'eust du commencement presté l'oreille a de si belles & de si plausibles semonces? Mais come ils ne craignoiet rietat que ce qu'ils faisoient contenance de souhaitter le plus, aussi tost qu'ils le virent disposé à mettre la main à l'œuure, ils essoignerent par faux & meschants rapports son affection de ceux sans l'authorité & l'entremise desquels il luy estoit impossible d'en venir à bout, iusques à luy persuader qu'o proiectoit de l'arrester s'il ne se retiroit. De sorte que nous seusmes estonnez de le voir demader de Mezieres parlettre ce qu'il luy estoir sans doute beaucoup plus facile & plus honorable de proposer à Paris de sa bouche. Ce fut la premiere faute qu'ils luy firent faire: Faute que nous pouvons dire estre la seule cause de la peine en laquelle nous somes maintenat. Car ces soudains essoignemes, ces retraictes en places fortes, ces menees couvertes das les provinces conduictes soubs l'authorité de son nom, ayants remply la France de deffiances & d'ombrages nous ont pour le present priué du fruict que cette tenue d'Estats nous eust autrement apporté. Pource que la craincte d'affoiblir malà propospar vne mutation trop soudaine vn corps menacé de factions intessines à contrainct ceux qui gouvernent de remettre à vue meilleure saison les remedes des maladies dont il est trauaillé.

Il n'yauoit desia que trop de malcontents, sans en accroistre le nombre par vn changement d'ordre qui offensant plus de gens qu'il n'en eust contenté, n'eust seruy qu'a fortifier les entreprises de ceux qu'on sçauoit auoir encore le courage armé pour remuer aussi tost qu'ils en auroier le moyen. Nous sçauons asseurement que l'intention desa Maiesté estoit de supprimer la venalité des Offices auec le droich annuel, de moderer l'excés des pensions, & de soulager par ce moyen le pauure peu-ple. Elle nous à donné de tres-certaines arres de ce desir. Mais c'eust esté vne grande inconsidération à ceux qui ont l'honneur de le conseiller d'ouurir les mecontentements des plus puissants du Royaume aux praticques qu'ils sçauoient se continuer conuertement contre le repos public. Voila le vray, voila le seul motif du retardement des bons effects que nous nous estions promis de la tenuë de ces Estats. Ce que si beaucoup de gens auoient comprisils iugeroient tous autrement des affaires & des personnes qu'ils ne font. Mais le simple peuple ne penetrant iamais le fonds des choses, & f'arrestant aux seules apparences, comme à ces images qu'Epicure disoit rejallir de la surface des corps, est. incapable de cette prudence politique, qui estant comme vn rayon de cette prouidence eternelle auec laquelle Dieu gouverne le Monde tobe raremet das les esprits vulgaires & comuns. C'est pour-quoy il seplain et, ainsi qu'vn malade du quelle Medecin differe de percer l'apostume iusqu'à ce qu'elle soit meure. Ce que ceux qui ont voulu gaigner sa creance par vn faux lustres e reformation auoier

bien preueu, sçachans que comme la conionction des trois planetes superieures attirant grande qua-tité de vapeurs altere ordinairement la constitution des choses elementaires, ainsi cette assemblee des trois ordres reneillantheaucoup de mecontenrements & de plaintes pourroit exciter la hayne populaire contre ceux ausquels la mauuaise dispo-sition des affaires accreue par divers artifices, ne permettroit pas d'accorder aux Deputez tout ce qu'ils demanderoient. C'est dequoy ils se resiouissent maintenat, se figurans que le peuple frustré, pour ceste heure en partie de sa longue & iuste attere fauorisera leurs desseins aubesoing. En quoy nous sommes asseurez qu'ils se trompent grandement. Car comme les serviteurs qui se plaignent de leur maistre ne laissent pas neatmoins de le deffendre auec affection & courage quand l'occasion s'en presente, contre ceux qui le viennet attaquer, ainsi les subiects encore que possible non entierement contents du gouvernement public se reunillent aisement par vn commun deuoir à la manutention de leur Prince contre quiconque choque ou blesse son authorité souveraine. Ceux qui ont esté les premiers à crier contre les desordres seront les premiers qui courront sus à ceux qui commenceront à remuer sur ce pretexte, e-stants instruits par la cognoissance des choses passees que les armes ne surent iamais de bons instru-ments de reformation, & qu'il n'y a si mauuaile paix qui ne vaille mieux qu'vne bonne guerre; la-quelle estant la source de toutes sortes de meschacetez &de miseres peut sembler ville qu'a ceux

qui ont l'ame mauuaise, come la Planete de Mars qui preside aux combats, ne paroit brillante qu'a ceux qui ont la veue soible & delicate. Et pourtat, MADAME, ne faut il pas que vostre Maieste entre en aucune destiance de nostre sidelité, de la quelle nous luy rendrons en toutes occasions toutes les preuues qu'elle peut destrer. Nous honorons gra-dement Monsieur le Prince, comme nous deuos; Maispuisque la regence du Royaume durant la minorité duRoy, & la direction des affaires depuis la maiorité a este solennellement defferee à vostre sagesse & prudence, nous sçauons, & quine le sçair l'apprene, que nous ne pouuons auoir aurreregle, autre niueau du bien public, que vostre authorité, que vostre volonté: C'est pour quoy les mariages du Roy & de Madame sa sœur, faisans partie de cette heureule & pailible administratio & ayais d'abodant esté consmez par l'approbatio comune des trois Ordres, nous reiettons comme seditieuses & turbulentes, toutes les propositions qu'on seme parmy nous pour en rompre ou retar-der l'accomplissement, Qu'ils crient à gorge ouuerte tant qu'ils voudront qu'e cette alliance sera la ruyne & la dissipation de l'Estat. Nous sçauons qu'vn tel traicté n'ayat autre but que le bien & re-pos commun de la Chrestienté ne peut estre auec raison suspect qu'à ceux qui nourrissent leurs ambitions particulieres des calamitez publiques. Car pour ceux de la Religion dont quelques vns nous menacent, leurs derniers Deputez arriuez de-puis peu de Grenoble nous ont faiet cognoistre que pourueu qu'on leur mainmenne la liberté des

B ij

Edits, come on est resolude faire, ilsne ferotiamais de leurs villes d'ostage des villes de retraite à ceux qui voudroiet troubler le Royaume. Et sagement. Car s'ils auoiét vnefois attiré sur eux la hayne du peuple par la moindre rebellió du mode commet qu'elle fust coloree, ils auroiet grademet à craindre qu'onneles traitast à l'aduenir autremet qu'on n'a faitpar le passé. Quat aux Princes estragers, ceux qui sçauent l'interest commun qu'ils opt tous à n'authoriser par leur exemple la rebellio de leurs subiects contre eux en pareilles affaires, n'apprehenderot iamais qu'ils violent l'alliance qu'ils ont auec le Roy par aucune menee contre son seruice. Il ne faut donc point doubter que sa Maiesté ne soit accompagnee en sonvoyage de Guyene quad bon luy semblera de le commencer, non seulemet des vœus & des benedictions, mais aussi des forces & desarmes de toute la France, qui esclairee des gratieux rayons de son visage, conuertira ses fausses prehensions en vrayes resiouissances, & sesalarmes funestes en superbes & magnifiques triomphes. Son passage lera la voye de laict, en laquelle ne s'engendrent ny tourbillons ny tonnerres. Qui oseroit s'y opposer? Et quand on le feroit, toutes les trauerses qu'on luy donneroit semblables à ces nuees qui opposees au Soleil le couronnent, ne seroient que les premieres matieres de sa gloire.Qu'il aille donc à la bonne heure, quand il luy plairra; mais le plustost sera le meilleur. Ce serason contentement, ceseranostre bien, Car nous esperons & nous l'esperons auec autant d'apparece que de raison, qu'ayat dissipé par cette-

nouvelle alliance tous ces nuages de division il aura moyen de remedier sans crainte suivant la promesse qu'il nous en a desia fai che, aux abus & desordres dont on se plainct maintenant; A l'exemple de son grand ayeul S. Louys, lequel apresauoir rangé par la vigueur & dexterité de Blanche sa mere les Princes qui soubs vn pretexte tout semblable à celuy qu'on faictauiourdhuy prendre aux nostres trauersoient sa minorité, convertit son esprit au restablissement de son Royaume, commençant par vne reformation de soy mesme vrayement di-" gne de cette rare sain cteté qui la mis à la fin dans le ciel. Le terme n'est pas long; Vn peu de patience pourra remettre peu à peu toutes choses en l'estat que nous desirons, au contentement de ceux qui en poursuiuent le reglement auec plus de contention & de vehemence que l'estat present de nos affaires ne requiert. Carils voudroient qu'on contentast en cela leurs desirs auant qu'on sit le voyage, dont la parole donnee au Roy d'Espagne, ainsi que sa Maiesté leur à faict entendre par ceux qu'il leur à enuoyez à Creil, a Clermont & à Coucy, ne peut souffrir qu'on differe l'acheminement.

Ils demandent outre cela qu'on punisse en mesme temps ceux qu'ils disent estre les autheurs des consusions ausquelles ils estiment devoir estre promptement pourueu; qui est propremet demader que le Roy faisant de ses plus considents seruiteurs vne victime à leurs passions, condamne vostre Maieste, M ADAME, en la personne de ceux du conseil desquels elle s'est tres villement seruie pour maintenir l'authorité souveraine auec la siène. 14

Nous ne doubtos point qu'ils ne se prissent à vous sils osoient, & qu'ils ne vous demandassent la restitution de tout l'arget qui ayat esté doné à autres qu'a eux leur semble auoir esté mal employé. Car c'est ce qu'ils appellent profusion. Mais qu'ils luy donnent le nom qu'ils voudront, pourueu qu'on recognoisse que la distribution qui en a esté faice dans les prouinces auec choix & iugement, selon les occurrences, a esté le ciment de cette heureuse & profonde paix de laquelle nous auosiouysoubs vostre Regence. Nous sçauons on en a passé la plus. grade parrie & pour le reste ne faisons point de doute, MADAME, que si vostre Maiesté n'aymoit mieux rédre compre de ses actios que de ses despéses, ainsi que respodit autresois genereusement ce braue & valeureux Romain, elle ne fist voir qu'elle l'a mis ou il falloit. Ce que nous disons particulieremet, pource que nous vo jons que c'est la plainte qu'ils font le plus haut sonner entre tous les autres desordres; qui a vray diresont tous plustost vices des téps que des personnes, & qui n'ayars pas esté introduits parmalice, ains seulement tolerez par prudécene meritétles vacarmes qu'on fait cotre ceux ausquels on les impute fausemet. Mais pour revenit à ceux dont nous parlions, il seroit fort malaisé de nous persuader que leur cause se peut separer de la vostre. Ce que si Monsieur le Prince auoit pris le loisir de bien considerer comme peut estre & Dieu le veuille', pourra il faire, il reietteroit sagement les conseils de ceux qui font de sa qualité vne planche à leur ambition, & venant tenir aupres du Roy le rang qui luy est deu, ainsi que

is

sa Maiesté l'a couie de faire par le ministere de plusieurs personnes de marque, essoigneroit de sa reputation par son retour le blasme dot la posterité qui iuge plus hardiment des grads, chargera possible quelque iour sa memoire d'auoir en vne actio si celebre si importante qu'est l'acomplissement de ces mariages, resulé son consentemet aux vœus communs de la Chrestienté Catholique. Quoy qu'il en soir, quoi qu'il en aduiene, quoi qu'on die, quoy qu'on fasse au cotraire, nous souuenans de ce que nous deuons au Roy sapres le Roy, à vostre Maiesté M A D A M E, nous ferons voir, s'il en est besoing à tous nos voisins que nous ne sommes pas moins heritiers de la sidelité de nos peres que de leur inuincible courage & valeur.

FIN.

17 7 3